

Vanzgyangh Lwnhgangj Son' gyauq Minzcuz Doxgiet Baenaj Caeuq Fapceih

环江开展民族团结进步教育及法治宣传活动

3 nyied 14 hauh, Vanzgyangh Mauznancuz Swciyen Minzcungh Giz caeuq Yinzminz Fazyen、Genjcaz Yen daengj lai aen bouhmonz lwnhgangj son' gyauq minzcuz doxgiet baenaj dem fapceih. Gyoengqde fat swhliu、lwnh cihsiz mizgven、eufwen daengj langhbaij cauhaeb minz-

cuz doxgiet baenaj、fuengzre densin guh swiq、mbouj gyawj huqdoeg daengj. Hozdung neix dazyinx vunzlai gak minzcuz engq rox gij cihsiz fapceih, rox aeu faplwd baujhoh swhegij, saedguh minzcuz doxgiet baenaj.

(Luz Veijyiz/卢伟益 Veiz Cangcau/韦创造)

► Vunzlai homx aen dan lwnhgangj, lingx swhliu gvendaengz minzcuz doxgiet.



Canjnieb Yw Yauzcuz Ginhsiu Bang Demsou

金秀瑶医药产业促增收

Gyawj geij bi neix, Ginhsiu Yauzcuz Swciyen haenqrenz hwngfat aen canjnieb youq lajfaex ndaem yw. Seizneix, daengx yienh miz ngeihcib it aen giyez guh yw Yauzcuz, sam bak itcib aen hozcozse ndaem yw, hwngfat baenz aen canjnieb “giyez guh-yiengh + hozcozse + dieggiek + ranzguhnaz” miz daegsaek, bang vunzlai demsou baenzmiz.

(Gauh Yuzginh/高如金)

► 3 nyied 16 hauh, boux-cujboh ndeu aeu soujgih cigboq gai huq.



Sihyanghdangz Gih: Sam Nyied Hag Leiz Fungh Laeb Maenh Fungheiq Moq

西乡塘区：三月学雷锋树新风

Mboengqneix, Sihyanghdangz Gih guh buek hozdung minzcuz doxgiet baenaj “sam nyied seizcin, hag Leiz Fungh, lwgloux hai va laeb maenh fungheiq moq”. Aen Segih Cunghvaz Cunghlu haiguh “baenz ndwen gagnyienh fugsah hag Leiz Fungh”; aen Segih Dauzvahyenz caeuq budui giz de bang vunzlai coih gyadienh、yawj bingh daengj; gyoengq lwghag Gvangsiah Caizgingh Yozyen youq haenz Dahyunghgyangh gip yakyaeh…… Baez hozdung neix fatyienz le cingsaenz Leiz Fungh, caiq coicaenh gak minzcuz doxgyau dox baedauq doxyungz.

(Yiz Bingz/余萍)

Denzyangz Gih: Vwnzva Feihyiz Haeuj Hagdangz

田阳区：非遗文化进校园



► Gyoengq lwghag Denzyangz Gih foux saeceij、biujyienj goengfoux.

Mboengqneix, Denzyangz Gih lai aen hagdangz doxcaez youq Dij-yuz Gvanj biujyienj cez-muz feihyiz. Geij bi neix, doengh aen hagdangz dieg neix yinx haeuj foux lungz foux saeceij daengj minz-sug, ciu lwghag youq mwh roengz dangz lienh din-fwngz gwnzbiengz. Neix hawj ndwenngoenz lwghag bienq ndaej engq mizyinx, caemhcaiq ciepcienz le vwnzva feihyiz.

(Vangz Gozsun/黄国顺)